



Visoki predstavnik se sastao sa premijerkom Srbije Brnabić na marginama Bledskog strateškog foruma

Visoki predstavnik Valentin Inzko sastao se danas na Bledu sa predsjednicom Vlade Srbije Anom Brnabić pred početak 12. Bledskog strateškog foruma.

Visoki predstavnik je iskoristio priliku da čestita gospođi Brnabić imenovanje na mjesto predsjednice Vlade Srbije te da je informira o aktuelnim političkim dešavanjima u BiH iz perspektive njegovog mandata.

„Moje je čvrsto uvjerenje da je mjesto Zapadnog Balkana u Evropskoj uniji. Proces evropskih integracija će ubrzano motivirati i potaknuti reforme koje su neophodne za poboljšanje funkcionalnosti svake od zemalja u regiji, kao i za prosperitet njenih građana koji bi imali koristi od daljeg jačanja regionalne saradnje,“ rekao je visoki predstavnik.

Visoki predstavnik prisustvuje 12. Bledskom strateškom forumu, godišnjem susretu koji organiziraju Ministarstvo vanjskih poslova Republike Slovenije i Centar za evropske perspektive, a koji okuplja najviše zvaničnike iz jugoistočne Evrope i drugih regija.